



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 140. Quid circa annatas solvendas sedi Apostolicæ.

---

[urn:nbn:de:hbz:466:1-73957](#)

āum Episcopus non est, careat potestate ita statuendi in bonum Ecclesie, iste modus sic statuendi pactationem aliquam includere videatur. Minus etiam recte ab Episcopo fieri videtur talis impositio novi oneris sine consensu beneficiati post collationem ei factam; cū in jure quæsto alicui (quale est jam provis de beneficio fruendi illo fine onere) regulariter præjudicari nequeat. Engels. b.t.num. 2. Zoef. ibid.

**Quæst. 137.** An monasterium, cui incorporata parochia, dum in eō investiri facit Vicarium, non tantum sibi reservare possit annuam pensionem, sed etiam auctis redditibus augere?

**R**Esp. Respondet ex Abb. in c. cū Clerici. de paetus. affirmative Laym. in c. unic. b.t. id tamē in intelligendum afferens, si auctio reddituum sit notabilis, & non uno tantum anno, sed pluribus durans, & nisi hæc auctio reddituum proveniat ex industria Vicarii, utpote cui diligentia sua non debet esse damnosa.

**Quæst. 138.** An resignatio fieri possit, reservatis resignanti etiam omnibus fructibus beneficii?

**R**Esp. Fieri & admitti potest licetē resignatio, reservatis resignanti omnibus fructibus, ita ut ad resignatarium solum jus & titulus beneficij transferatur. Azor. p. 2. l. 7. c. 21. q. 1. Paris. de resig. l. 6. q. 1. num. 2. citans Card. Paris. conf. 39. n. 7. vol. 4. Ferret. conf. 93. num. ult. fitque id licetē ex justa causa, qualis est, ut resignans habeat, unde commode vivat, & debita solvat. Azor. loc. cit. Paris. num. 5. qui etiam cum Rebuff. Sarnens. Mandos. dicunt, hic fructus resignanti reservari pro pensione & loco pensionis, que solet dari in subsidium vitae. Unde tunc, ut Mandos. de annuali. q. 30. num. 1. in supplicatione ponitur: Ut fructus loco pensionis reservare & assignare dignemini. Fieri tamen seu admitti non potest talis resignatio, nisi coram & à solo Papa, qui de beneficiis liberrimè disponere potest in omnibus, quæ non sunt juris naturalis aut divini; cū alias de jure communī beneficium dividi nequeat. c. majoribus. de preb. aut etiam cum diminutione conferri; qualiter divideretur, vel saltem cum diminutione conferretur, dum uni jus seu titulus beneficij confertur, alteri fructus reservantur. Quidquid autem fuerit olim circa usum talis reservationis, stante Trid. Sess. 24. c. 13. raro ea conceditur, quin & passim negatur. Vide me de his omnibus accuratiū in for. benef. p. 3. q. 418. & 419. ubi etiam qq. seq. in quibus beneficiis fieri soleat; an requiratur expressus consensus resignati, & alia.

**Quæst. 139.** An ab eo, qui de novo receptoris in Canonicum, pro & in admissione ad possessionem Canonicatus, vel beneficii alterius possit aliquid exigere aut solvi. V.g. aliqua pecunia, fructus primi anni, convivium simile quid pro Canonicis vel beneficiatis illius Ecclesiæ, seu in commodum illorum?

R. P. Lœv. Jur. Can. Lib. III.

**R**Esp. Hoc non licere, quin & esse simoniacum non obstante statuto vel consuetudine etiam immemoriali. Arg. c. Jacobus. de Simonia, juxta-que Constitut. Pi V. qua incipit grave nimis. & Declarat. S. Cong. apud Garc. de benef. p. 8. c. 1. num. 83. & ipsum Trid. Sess. 24. c. 14. dixi in for. benef. p. 3. quæst. 748. citatis etiam pro hoc quamplurimis; quibus addit Reisenst. b.t. num. 12. Barbos. de Can. c. 15. num. 24. Antonell. de Regin. Eccles. 4. c. ult. §. 1. num. 4. & alios. Accedit his omnibus novissimè Bulla Innoc. XII. quæ incipit: Ecclesia Catholica. Severissimè innovans illa Trident. & Pi V. Decreta, & consuetudines contrarias omnino abolens. Atque ita jam etiam prohibitum, & sublatam consuetudinem exigendi quicquam à noviter receptis Canonici convertendum in reparationem bonorum mensa Capitularis, cūm id cedat in commodum aliotum Canonicorum, dixi l.c. n. 2. An autem & qualiter à Trid. approbetur & valeat consuetudo & statutum solvendi quid (absque eo tamen, quod exigatur pro ipsomet ingressu seu admissione) convertendum in usus pios, veluti pro fabrica, & augendo cultu divino, dixi ibidem. Item qualiter stante memorata Bulla Innoc. XII. non videatur subfistere, quod ait Lef. passim videre se non servari, quin & ignorari citatam Bullam Pi V. quodque ait Pith. quod etsi cit. c. Jacobus. reprobetur consuetudo exigendi prandium vel aliud quid temporale pro receptione Canonicorum; hoc tamen passim non observari, praesertim in Ecclesiis Cathedralibus & Collegiatis Germaniæ; id inquam, dixi cit. n. 2. Item qualiter damnari non possit consuetudo tempore receptionis ad Canonicata dandi aliquid temporale citra obligationem & exactiōnem sponte ac liberè, nullo pacto interveniente, etiam cedens in usus proprios Canonicorum; cūm, quod gratis oblatum, grataanter recipi possit, ut Gl. in c. dilectus. de Simonia. Id, inquam, dixi t. c. n. 3. ubi etiam notavi, quod ex Rebuff. ait Garc. l. c. n. 93. non videri simoniacum, coacte & non voluntarie, quia resisti nequit, dandi aliquid pro admissione ad possessionem; eò quod fit redemptio aliqua vexæ. Vide me de his omnibus accuratiū cit. q. 7+8.

**Quæst. 140.** Quid sit circa annatas solendas Sedi Apostolicae?

**R**Esp. Annata (quo nomine veniunt fructus primi anni ex beneficiis Sedi Apostolicae reservatis & ab Eadem imperatis, ipsius Cameræ per solvendi; & quarum usus est perantiquus, jam à tempore Concilii Viennensis, celebrati anno 1311. ut Paris. de consist. beneficiat. q. 9. num. 61. Nicolariis in Concord. Germ. tit. 2. ds. unic. §. 1.) licetē ac justa exiguntur citra omnem simoniacæ pravitatis suspicionem, ut boni Catholici omnes contra Guimier. in sua Gl. ad pragm. sanction. de annal. in princ. v. annatarum. Duaren. de benef. l. 7. c. 3. usum annatarum dicentes simoniacum, & quosdam apud Azor. loc. paulo post citand. valde fodiē & injuriosè Sedi Apostolicae de annatis scribentes. Ut pote quæ sumim Pontifici (etiam, ut ait Delben. de immunit. Eccles. p. 1. c. 8. du. 30. num. 1. ex Azor. p. 2. l. 7. c. 12. q. 1. jure divino, saltem scripto, aut saltem ex eo originem trahente, ut alii, & ut patri in spiritualibus & pastori Episcopo que universalis Ecclesiæ, ut Delb. loc. cit. n. 2. & 7.) debentur ad suisueque Curia su-

stentationem, aut etiam ad sublevandam Cardinalium quorundam indigentiam, similesque Ecclesiæ Romanae necessitates. Et sane si tanquam plenariam potestatem circa beneficia hæc c. licet, de præb. in 6. possit fructus primi anni aut etiam aliquot sequentium pro fabrica Ecclesiæ, aut Episcopi egenis sustentatione aliove pio opere reservare. c. à nobis. de decimis. c. si proper. de rescrip. in 6. &c. & tanquam omnium bonorum ecclesiasticorum, si non dominus, saltem administrator, ita ut ex caula iusta & rationabili possit uni (relictis ad viatum necessariis) tollere, & concedere alteri, etiam sacerdotali, ut Delb. l. c. num. 8. citans le ipsum in pluribus aliis locis, & insuper Cajetan. tr. 2. q. 48. à 8. Molinam. de Just. Tom. 1. tr. 2. d. 29. concl. 2. Lef. de Just. l. 2. tr. 2. d. 1. du. 8. num. 100. &c. Si, inquam, id possit Papa, multo magis poterit ex rationabili causa fructus aliquos V. g. anni primi certorum beneficiorum à se collatorum sibi surèque Curia reservare, secus ac alii collatores, quibus talis potestas non est in beneficio & bona ecclesiastica, qui exinde coguntur ea sine diminutione conferre. Idque non obstante affluentia divitiarum in Pontifice quemadmodum hæc in persona, cui debentur decimæ (quorum loco succederunt annates, ut videtur est apud me in for. benef. p. 3. q. 190. num. 2.) non impedit, quo minus illæ debeantur ex justitia; ita etiam in Papa ea non impedit, quo minus annata illi pergant debet ex justitia. Lotter. l. 3. q. 20. num. 28. dicens, sic optimè doceri à S. Thom. 2. 2. q. 87. à 4. ad 3. Soto de just. l. 9. q. 4. à 4. in fine Monet. de decim. c. 9. num. 2. & 4. Unde jam etiam prohibito Principis, ne in regno suo solvantur annates, repugnat libertati ecclesiastica, ut Delb. l. c. num. 1. Qualiter autem contingat hæc annatarum exactio extra nundinationem & Simoniam ex eo, quod

non exigantur ex pacto, aut tanquam temporale pro spirituali, sed ex antecedenter jam existente lege, quam ferre potuit de iis solvendis circa labem Simoniam, ostendi cit. q. 190. num. 3. quæ vide; ut etiam quæ dixi. num. 6. qualiter, dum plures eodem anno contingunt vacaciones ejusdem beneficii annatis obnoxii, non sit solvenda nisi una annata. Et quod specialiter spectat Germaniam, patet ex ejusdem concordatis, quod annatarum nomine de Ecclesiis Cathedralibus & monasteriis exemptis virorum duntaxat solvendas sint lumnae pecuniarum in libris Camerae Apostolicae taxatae. Ita tamen, ut si quæ excessivè taxata sint, relaxentur secundum qualitatem rerum, temporum & regionum. De ceteris vero dignitatibus & beneficiis à Sede Apostolica collatis solvantur media annata seu mediis fructibus primi anni unius juxta taxam solitam, & de beneficiis, quæ valorem 24. ducatorum seu florenorum aurorum non excedunt (intellige, nulla etiam habita ratione distributionum ut dixi. num. 5.) nihil solvatur, ut expresse habetur in Concordatis. §. 5. qualia hodiecum ex generali consuetudine & stylo Romanæ Curia censentur omnes Canonici, præbendæ, dignitatis inferiores Germania, Hispania, Belgii, absque eo, quod contraveniatur regulæ. 55. Cancellariæ de exprimendo vero valore in imprestatone istiusmodi beneficiorum, ut Branden. ad Concord. German. post q. 12. notab. 2. & Nicolari. cit. tit. 2. §. 2. citans alios, uti & multiplices Rote decis. De quibus omnibus vide me in for. benef. p. 2. q. 601. Porrò quæ hic tractari solent ab aliquibus de divisione, dismembratione, suppressione, extincione beneficiorum, vide à me tractata accurate l.c.p. 3. à q. 946. ad q. 962. uti & ea, quæ de pensione beneficii imponenda hic queri solent, p. 3. à q. 428. ad 671.

## TITULUS XIII.

De

### Rebus Ecclesiæ alienandis vel non.

§. Primus de nomine Ecclesiæ & speciebus alienationis, deque personis alienare, & rebus alienari prohibitibus vel permisissis.

Quæst. 141. Nomine Ecclesiæ quæ alia loca veniant?

**R**esp. Nomen illud in hac materia favorabilitate accipitur, ita ut, non tantum loca sacra, seu, consecratione vel benedictione ad sacrificia aliqua officia divina ibidem celebranda Deo dicata, ut sunt templa, capellæ, oratoria, comprehendat, sed etiam se extendat ad alia quævis loca pia & religiosa ad pietatis & misericordia opera ibidem exercenda vel alia ejusmodi auctoritate ecclesiastica constituta aut deputata etiæ consecratione & benedictionem Episcopalem, ut sunt monasteria, conventus, congregations, Xenodochia & hospitalia, quorum res sine solennitate juris alienata prohibentur. Anth. hoc jus. porrectum. C. de SS. Ecclef. Relata. in c. hoc jus 10. q. 2. c.

nulli, b.t. ubi dicta Auth. approbata & quasi canonizata. Abb. in cit. c. nulli, b.t. num. ult. Laym. th. mor. l. 3. tr. 4. c. 10. num. 1. Delb. de immunit. eccl. c. 17. du. 1. num. 14. Pirh. b.t. num. 4. Non vero extendit se ad collegia, congregations, hospitalia non erecta auctoritate Episcopali; cum non censeantur propriæ loca pia, multoque minus sacra. Idque, etiam Episcopus licentiam dederit ibi celebrandi Missam, ut Delb. l. c. 2. du. 2. f. 7. n. 15. & seq. adeoque eorum bona, etiam immobilia alienari poterunt sine solennitate juris. Delb. l. c. 17. n. 16. citatis Paris. conf. 35. Tom. 3. Riccio. Quar. Redoano. qui etiam. c. 17. idem dicit de capella non erecta auctoritate Episcopali. Porro unde in dubio presumatur, num capella, oratorium, hospitale sint erecta seu fundata auctoritate Episcopali, vide apud Delb. cit. c. 2. du. 2. f. n. 33. & seq.

Quæst.